

Kagulu - Muhe Inghondo Amatulomo - SW Intro Scriptures

Luka 17:5 Awefusa hawamutamila iMundewa, “Chongesele dihuwi.”

WaLoma 10:17 Hambiya nong'amba, dihuwi dikwija kwa njila ya kuhulika, na kuhulika kukwigaligwa ne imbuli ya Kilisito.

Luka 11:1 Yesu yeja yowa hanhu hamonga yakutasa, foyamalile kutasa yumwedu wa wefusa wakwe hoyomugamba, “Mundewa, chifuse kutasa fina Yohana foyawafusile awefusa wakwe.”

1 Timoseyo 2:1-4 Iyilongolele sose, nikuhananga inhasa, kutasa, utasaji na malumbo figoloseke kosoko ya wanhu wose, 2 kosoko ya wandewa na wose awena udaha, uleke chikale mikalile ye toyoyo ye chimulungu ne migendele miswanu 3 Imbuli ni swanu, kahi ifumilwa ne Mulungu Mwihula wetu, 4 iyekuhananga awanhu wose wehuligwe kahi wamanye ichawelu.

Luka 22:31 Simoni, Simoni, tegelesa shetani hakakuananga uleke yadahe kukusunga fina ngano.

Sakalia 3:1,2 - Yuda 1:9 Ninga ichigele malaika mukulu Mikaeli fowakisumage na Luhoma wakuwanga kosoko yo umutufi wa Musa, nghendile kumusongesa kwa wihi ninga hakamugamba, “Mundewa na yakugombele!”

WaEfeso 6:12 kosoko Inyisuma yetu seye siyo Nyisuma ye mitufi na sakame ninga ni udaha no ludole lwa wakulu we ichisa muchilunga achi, Ninga ni nghondo ya mhepo na wihi muchilunga cha muchanya.

WaEfeso 6:10,11 Kwa kumalagisa, nikugamba, imeni ngwingwi mwi Mundewa na kwa udaha we ludole lwakwe mukulu. 11 Faleni filama fyose fye Mulungu, noho mudahe kwima kitowa ne simhando sa Luhoma,

WaEfeso 6:13-17 Hambiya londeni filama fyose fye Mulungu, uleke muwe na ludaha mwijuwa dya magesa, na fomukumala nheifo kwima imeni ngwi. 14 Hambiya mukwima nako imeni akuno mukifasa mukanda we ichawelu muchuno na kufala ngulo ye chuma ye chawelu muchifa, 15 na migulu yenu yuwe tayali kosoko ya mbuli swanu ye idigoya; 16 hamwedu na gago, londeni ne ngula ye dihuwi uleke sime umoto we misale ya luhoma. 17 Kamei londeni nghofiya ya wokofu ne dipanga dye Muye, nadyo no mbuli ye Mulungu.

WaEbulaniya 4:12 Kosoko imbuli ye Mulungu nyumi, kahi ikutogoma milimo, nghali kusuma isunja, kahi ikuhomma mpaka ikutemanhula chidoga ne

umuhe ne ifilungo fya umutufi ne umusopo, kumanya amadoga ne inyenda ye umoyo.

Luka 4:8 Na iYesu kamubidula yakugamba, “Yandikigwa Komufugamilia, Mundewa Mulungu wako na imwene du komutogomela!”

WaEfeso 6:18 Taseni chila ugele mu Muhe, kwa mataso gose na nhala. Muwe meso na munghofe mimoyo wasasileni hata awamonga awanhu we Mulungu.

1 Samweli 17:45-47 - Daudi & Goliath

Luka 10:17-20 Awaya makumi mufungate na weli howokuya kwa chinyemi, wakugamba, “Mundewa, hata simhepo sikuchogoha seye ku disina dyako.” 18 Hoyowagamba, “Hanimona Shetani yakulagala fina lumwemwe kulawa kulanga. 19 Langeni, niwengha udaha wa kujata majoka na fisuswe, ne udaha wose muchanhya ye imunghondo, na hechaka chinhu chidaha kuwabulaga. 20 Hata nheifo munghasekelele kosoko simhepo sikuwogoha, ninga musekelele kosoko amasina genu gawandikigwa kulanga.”

2 WaKolinto 10:3-5 Hata inghowa chikwikala muchilunga, ninga chisikitowa fina wanhu we chilunga. 4 Kosoko ifilama fochikutumiya siyo fya chimunhumunhu, ninga fina udaha we Mulungu uukubana singome(amakiga) sose 5 na kung'ola chila chikwakwaliso che kiyona ichikigwe kuilema umanyi we Mulungu, chikuteka chila madoga gaduha kumogoha Kilisito.

2 Timoseyo 1:7 kosoko iMulungu nghachingha moyo we ikeng'enha ninga moyo wa ludole na wendo na ufinyilisi.

Matayo 12:28,29 Ninga niye ghona nikulafa simhepo kwa Muhe wa Mulungu, undewa wo Mulungu ufulusa kumwijilani. 29 “Ama kodaha nhani imunhu kwingila kunyumba ye munhu yena ludole na kufilonda ifinhu fyakwe, nghonaga nghakongile kumoha ayuya iyena uludole? Noholo yakunge kuhoka inyumba yakwe.

WaEfeso 1:13 Kulokela muimwene anye nanye hamuhulika imbili ye chawelu, aiya mbuli swanu imwigalileni Uhonya wenu, kahi homuhuwila ninga homutoigwa lubonoto we dilagano dye Muhe musunhile,

Watumigwa 19:6 Kamei, Paulo hoyowekila mikono, Muhe Musunhile hoyowahumulukila, howokonga kulonga kwa nonga sa hayo hayo na kulafa ugonesi.

Maluko 16:15-18 Hakawagamba, “Luteni kuchilunga chose mukahibili imbili swanu kwa chila munhu. 16 Iyakuhuwila na kubatisigwa yakuhona; inghakuhuwila yakulamuliligwa. 17 Fitangilo fino fikwende

fikiyandamile na awaya awakuhuwila. Kwi sina dyangu wolafa si mhepo; wolonga kwa nonga nyisha; 18 wokola majoka, hata wanghadiya chinhu cha kukoma chisikuwabulaga ng'o; wokwika imikono yawo muwatamu, nawo wakuhona."

1 Yohana 1:9 Chinghalamba uwihi wetu, imwene ni wakuhuwilika na chawelu yakwenda yachinenele uwihi wetu na kusunha na kubana kwetu kose.

**Sabuli 109:17 - Yakobo 3:10 Umulomo umwedu ukumotesa na kuligitisa.
Wandugusangu isagile kugolosa nheifo.**

Mulamusi 16:16 - 2 Petulo 2:7,8 hakamuhonya Lutu, imuchawelu yendekwidasigwa ne wihi na awakubana. 8 (kosoko ayuya imuchawelu yekale nawo ijuwa mpaka ijuwa hakakiidasa muuchawelu wakwe muchidoga kosoko ya nhenda sawo fina hakona na kuhulika),

**WaEfeso 4:26 Ninga munghadeseka langisiseni mungheje mugolosa sambi;
dijuwa ding'hoswe mwikali ne inyono,**

WaLoma 14:12 Basi hambiya, chila yumwedu wetu kolafa nhala yakwe kwe Mulungu.

**1 Yohana 2:23 Wowose iyekumukana iBaba nghanaye iMwana.
Iyakumufumila iMwana kenaye iBaba naye.**

**Yohana 14:6 Yesu hoyomugamba, "Aniye no ni njila, ne chawelu no uwumi;
kwachaka munhu yakwija kwa Baba inghakulokela ukwangu.**

Matayo 11:28-30 Mwije ukwangu, anye wose, mukwidasigwa na kusumigwa na makanda, aniye nikwenda niwabwihiensi. 29 Faleni umugwato, mukifuse ukwangu; kosoko niye na muholo munhu we digoya dye chidoga, nanye mukwenda muwe na kubwihiila mufidoga fyenu. 30 Kosoko ulugwato Iwangu lutelemeko, na dikanda dyangu ihufu."

2 WaKolinto 6:2 Kosoko hakagamba, "Muchigele chikufumilika haniwahulikisa, na kuwatasa mudijuwa dye uhonya." Langa! Ugele ufumilike nowu, awu no ugele wo uhonya.

WaLoma 10:13 Kosoko, "Chila yakwinanga mwisina dye Mundewa kohonyigwa."

Exodus 20:5 - sin cursed to 3 & 4 generations